



საგანმანათლებლო პროგრამების აკრედიტაციის
საბჭოს გადაწყვეტილება
ქ. თბილისი



MES 5 23 0001783952



29/12/2023

სსიპ - ბათუმის ხელოვნების სასწავლო უნივერსიტეტის
"მოდის დიზაინის" საბაკალავრო საგანმანათლებლო პროგრამის
აკრედიტაციის შესახებ

1. გადაწყვეტილების მიღების სამართლებრივი საფუძვლები

1.1. „უმაღლესი განათლების შესახებ“ საქართველოს კანონის 66-ე მუხლის პირველი პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტისა და საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანებით დამტკიცებული "უმაღლესი საგანმანათლებლო დაწესებულებების საგანმანათლებლო პროგრამების აკრედიტაციის დებულების“ 27² მუხლის პირველი პუნქტის მიხედვით, საგანმანათლებლო პროგრამების აკრედიტაციის საბჭო (შემდგომში - საბჭო) სააკრედიტაციო დოკუმენტაციის, აკრედიტაციის ექსპერტთა ჯგუფის დასკვნის, დაწესებულების მიერ აკრედიტაციის ექსპერტთა ჯგუფის დასკვნის პროექტზე წარმოდგენილი არგუმენტირებული პოზიციის შესწავლისა და ზეპირი მოსმენის გამართვის საფუძველზე იღებს გადაწყვეტილებას საგანმანათლებლო დაწესებულების საგანმანათლებლო პროგრამების აკრედიტაციის თაობაზე. აკრედიტაციის დებულების 27⁵ მუხლის მე-5 პუნქტის თანახმად, საბჭო ვალდებულია დაასაბუთოს მის მიერ მიღებული გადაწყვეტილება.

1.2. „განათლების ხარისხის განვითარების შესახებ“ საქართველოს კანონის 22-ე მუხლის მე-2 პუნქტის „ა“ ქვეპუნქტისა და აკრედიტაციის დებულების 27⁵ მუხლის პირველი პუნქტის „ა“ ქვეპუნქტის შესაბამისად, საბჭო იღებს გადაწყვეტილებას საგანმანათლებლო პროგრამისთვის აკრედიტაციის მინიჭების შესახებ, თუ “უმაღლესი განათლების შესახებ“ საქართველოს კანონის 66-ე მუხლის 3¹ პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის 31 პუნქტისა და აკრედიტაციის დებულების 27⁶ მუხლის პირველი პუნქტის „ა“ ქვეპუნქტის შესაბამისად, საგანმანათლებლო პროგრამის პირველი და ყოველი მომდევნო აკრედიტაციის შემთხვევაში, საგანმანათლებლო პროგრამა აკრედიტაციის სტანდარტებთან შესაბამისობის შეფასებისას, ყველა სტანდარტთან მიმართებით საბჭოს მიერ შეფასდა, როგორც „შესაბამისობაშია სტანდარტის მოთხოვნებთან“.

1.3. „აკრედიტაციის დებულების“ 27⁵-ე მუხლის მე-3 პუნქტის შესაბამისად, აკრედიტაციის მინიჭების შესახებ გადაწყვეტილების მიღების შემთხვევაში, საბჭო უფლებამოსილია აკრედიტაციის მაძიებელს მისცეს რეკომენდაციები.

1.4. „აკრედიტაციის დებულების“ 27⁶-ე მუხლის პირველი პუნქტის „ბ“ ქვეპუნქტის თანახმად, ერთ სტანდარტთან მიმართებით მაინც შეფასდა, როგორც „მეტწილად შესაბამისობაშია სტანდარტის მოთხოვნებთან“ და არცერთ სტანდარტთან მიმართებით არ შეფასდება, როგორც „ნაწილობრივ შესაბამისობაშია სტანდარტის მოთხოვნებთან“ ან, არ არის შესაბამისობაში სტანდარტის მოთხოვნებთან“, საბჭო იღებს გადაწყვეტილებას აკრედიტაციის შესახებ და დაწესებულებას განუსაზღვრავს ვადას მიღებული რეკომენდაციების შესრულების თაობაზე ანგარიშის წარსადგენად, რაც აისახება საბჭოს სხდომის ოქმში.

2. აღწერილობითი ნაწილი და დასაბუთება

2.1. სსიპ - განათლების ხარისხის განვითარების ეროვნულ ცენტრში (შემდგომში - ცენტრი) 2023 წლის 1 მაისის №01-18/99 წერილით (ცენტრში რეგისტრაციის №479839 სსიპ - ბათუმის ხელოვნების სასწავლო უნივერსიტეტის მიერ წარმოდგენილ იქნა სააკრედიტაციო განაცხადი "მოდის დიზაინის" საბაკალავრო საგანმანათლებლო პროგრამის თაობაზე.

2.2. ცენტრის 2023 წლის 19 ივნისის № 708243 ბრძანების საფუძველზე, სსიპ - ბათუმის ხელოვნების სასწავლო უნივერსიტეტი ცნობილ იქნა აკრედიტაციის მაძიებლად. ცენტრის 2023 წლის 15 აგვისტოს № 997624 ბრძანების საფუძველზე შეიქმნა ექსპერტთა ჯგუფი, რომელმაც დაწესებულებაში ვიზიტი "მხატვრული კინოს რეჟისურის" სამაგისტრო საგანმანათლებლო პროგრამის შეფასების მიზნით განახორციელა 2023 წლის 26 სექტემბერს. ექსპერტთა ჯგუფის მიერ წარმოდგენილი დასკვნის შესაბამისად, სააკრედიტაციოდ წარმოდგენილი პროგრამა შეფასდა შემდეგნაირად:

სტანდარტები	შესაბამისობაშია მოთხოვნებთან	მეტწილად შესაბამისობაშია მოთხოვნებთან	ნაწილობრივ შესაბამისობაშია მოთხოვნებთან	არ არის შესაბამისობაში მოთხოვნებთან
1. საგანმანათლებლო პროგრამის მიზანი, სწავლის შედეგები და მათთან პროგრამის შესაბამისობა		√		
2. სწავლების მეთოდოლოგია და ორგანიზება,		√		

პროგრამის ათვისების შეფასების ადეკვატურობა				
3. სტუდენტთა მიღწევები, მათთან ინდივიდუალური მუშაობა		✓		
4. სწავლების რესურსებით უზრუნველყოფა	✓			
5. სწავლების ხარისხის განვითარების შესაძლებლობები		✓		

2.3. საბჭომ შეისწავლა საგანმანათლებლო პროგრამების აკრედიტაციასთან დაკავშირებული დოკუმენტაცია, კერძოდ, თვითშეფასების ანგარიშსა და მასზე თანდართულ დოკუმენტაციაში ასახული ინფორმაცია, ექსპერტთა ჯგუფის დასკვნა, ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიცია. ზეპირი მოსმენა გაიმართა 2023 წლის 15 დეკემბერს. სააკრედიტაციო განაცხადის, აკრედიტაციის ექსპერტთა ჯგუფის დასკვნისა და ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიციის, ასევე, სხდომაზე დაინტერესებული მხარის ზეპირი პოზიციის მოსმენის საფუძველზე, საბჭომ გაიზიარა ექსპერტთა დასკვნაში ასახული სტანდარტების შეფასება.

3. სარეზოლუციო ნაწილი

„უმაღლესი განათლების შესახებ“ საქართველოს კანონის 66-ე მუხლის პირველი პუნქტის, მე-2 პუნქტის „ა“ ქვეპუნქტისა, მე-3 და მე-4 პუნქტების, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 და მე-8 პუნქტების, აკრედიტაციის დებულების 27² მუხლის პირველი პუნქტის, 27⁵ მუხლის პირველი პუნქტის „ა“ ქვეპუნქტისა და მე-5 პუნქტის, 27⁶ მუხლის პირველი პუნქტის „ბ“ ქვეპუნქტის, „საჯარო სამართლის იურიდიული პირის - განათლების ხარისხის განვითარების ეროვნული ცენტრის საქმისწარმოების წესისა და შინაგანაწესის დამტკიცების შესახებ“ სსიპ განათლების ხარისხის განვითარების ეროვნული ცენტრის დირექტორის 2011 წლის 01 ივნისის №223 ბრძანების მე-8 მუხლისა და საქართველოს ზოგადი ადმინისტრაციული კოდექსის 53-ე მუხლის შესაბამისად, აკრედიტაციის საბჭომ 16 ხმით არცერთის წინააღმდეგ

გადაწყვიტა:

1. დაკმაყოფილდეს სსიპ - ბათუმის ხელოვნების სასწავლო უნივერსიტეტის მიერ წარმოდგენილი სააკრედიტაციო განაცხადი და დანართი №1-ით გათვალისწინებულ "მოდის დიზაინის" საბაკალავრო საგანმანათლებლო პროგრამას მიენიჭოს აკრედიტაცია 7 წლის ვადით (2030 წლის 15 დეკემბრამდე), 1 წლის თავზე ანგარიშის წარმოდგენით.
2. ცნობილ იქნას აკრედიტაციის ექსპერტთა ჯგუფის დასკვნა "მოდის დიზაინის" საბაკალავრო საგანმანათლებლო პროგრამის შესახებ ამ გადაწყვეტილების განუყოფელ ნაწილად (დანართი №2).

3. ცნობილ იქნას საბჭოს 2023 წლის 29 დეკემბრის №1782030 სხდომის ოქმის № 04 ნაწილი ამ გადაწყვეტილების განუყოფელ ნაწილად (დანართი №3).
4. დაწესებულებას საბჭომ შესასრულებლად განუსაზღვრა შემდეგი რეკომენდაციები და რჩევები:

რეკომენდაციები:

1. განაახლეთ სწავლის შედეგები ისე, რომ კონკრეტულად პასუხობდეს „მოდის დიზაინს“ და პროგრამის თემის თანამედროვე კომპეტენციების მახასიათებლებს - არამხოლოდ რეგიონულ და ეროვნულ დონეზე, არამედ საერთაშორისო დონეზე მიმდინარე მოვლენებსა და მოთხოვნებს.
2. წარმატებული ბალანსი იყოს დაცული ინდივიდუალურ პოტენციალს, ეკონომიკურ საჭიროებებსა და საზოგადოების წინაშე პასუხისმგებლობას შორის, როგორც ეს განსაზღვრულია პროგრამის მიზნებში;
3. შემოქმედებითი და ექსპერიმენტული პროცესის დაუფლებაზე უფრო სრულყოფილად მოხდეს ფოკუსირება, რაც გადამწყვეტია საუკეთესო მოდის დიზაინისთვის;
4. მოხდეს საკომუნიკაციო ტექნოლოგიების შესახებ ცოდნისა და უნარების უფრო მჭიდრო დაკავშირება მოდის დიზაინის სპეციფიკურ კომპეტენციებთან.
5. იპოვნეთ ბალანსი კონკრეტულ თემებზე ორიენტირებულ კურსებსა და იმ კურსებს შორის, რომლებიც საშუალებას აძლევენ სტუდენტებს ჩამოაყალიბონ ავტონომიური ინდივიდუალური პრაქტიკა, რომელიც სცილდება წინასწარ განსაზღვრულ თემებს და რომელიც ასევე სტუდენტების მიერ სხვა კურსებზე შეძენილი თეორიული და ტექნოლოგიური ელემენტების შემოქმედებითად გამოყენებას;
6. თემების შინაარსის კონცენტრირება კურსებში „კერვის ტექნიკა, ტექნოლოგია, კონსტრუირება 1, 2, 3, 4, 5 და 6“, ანთროპომეტრიული, დიზაინის, მასალის შესწავლისა და ტექნოლოგიური საკითხების თანმიმდევრობისა და სპეციფიკის გათვალისწინებით;
7. დამსაქმებლებთან ან დარგობრივ ორგანიზაციებთან გაფორმებულ ხელშეკრულებებში მიუთითეთ სტუდენტების რაოდენობა.
8. გასაჩივრების მექანიზმის დებულების გამჭვირვალობის და სტუდენტებისთვის სწორი ინფორმაციის მიწოდების უზრუნველსაყოფად მკაფიოდ უნდა იყოს მითითებული ლექტორის (რომლის შეფასებაც გასაჩივრდა) სააპელაციო კომისიაში მონაწილეობის როლი და უფლებამოსილება.
9. შეცვალეთ საბაკალავრო ნაშრომის სილაბუსი, რათა სტუდენტების შრომა შეფასდეს ერთზე მეტჯერ, რითაც უზრუნველყოფილი იქნება ეროვნულ რეგულაციებთან შესაბამისობა.
10. დაწესებულებამ უნდა უზრუნველყოს, რომ სტუდენტებს ჰქონდეთ სათანადო შესაძლებლობები საერთაშორისო გაცვლით პროგრამებში მონაწილეობის მისაღებად;
11. დარწმუნდით, რომ პროგრამის ყველა მიზანი და პროგრამის სწავლის შედეგი - ამ შემთხვევაში, სოციალური პასუხისმგებლობა / მდგრადი განვითარება - სათანადოდ არის გათვალისწინებული პროგრამის განვითარებისთვის (ასევე იხილეთ რეკომენდაციები სტანდარტი 1.2).
12. პერიოდულად შეადარეთ საგანმანათლებლო პროგრამა უცხოური უნივერსიტეტების მსგავსს პროგრამებთან, ასევე მოამზადეთ დეტალური შედარებითი ანალიზი პროგრამის დადგენილ მოთხოვნებთან შესაბამისობაში მოყვანისა და საუკეთესო საერთაშორისო პრაქტიკის გამოყენების მიზნით.

რჩევები

- ჩაატარეთ პროგრამული დისკუსიები, რომელსაც უძღვებიან ევროპული ქსელები და ასევე შეიტანეთ ისეთი შედეგები, როგორცაა interjarts პროექტის შედეგად მიღებული Tuning დოკუმენტი.
- გარდა ინდივიდუალური კონსულტაციისა, მეტი წერილობითი ინფორმაცია მიაწოდეთ საბაკალავრო პროგრამის კურიკულუმის ფარგლებში თავისუფალი არჩევითი კურსებისთვის გამოყოფილი 60 ECTS კრედიტის ინდივიდუალურად ფორმირების სხვადასხვა გზების, კონკრეტულად, შესაძლო მაინორ პროგრამების რეგულაციებისა და შინაარსის შესახებ.
- სასურველია დიზაინის სფეროში სასწავლო პროცესის სპეციფიკის ასახვა და უფრო მცირე მოცულობის კურსების რაოდენობის შემცირება, რომლებიც, პირველ რიგში, ორიენტირებულია უტილიტარული უნარების განვითარებაზე;
- სტუდენტის ინდივიდუალური სწავლისა და შემოქმედებითი მუშაობის შემდგომი გაძლიერება (კრიტიკული/კრეატიული აზროვნება და ინდივიდუალური პრაქტიკა);
- გააგრძელეთ ბიზნეს სექტორისა და კრეატიული ლიდერების აქტიური ჩართვა, როგორც ინდივიდუალური პროექტების დაშვების ერთ-ერთი გზა, რაც გააერთიანებს თეორიულ, პრაქტიკულ და შემოქმედებით ასპექტებს.
- საერთაშორისო კონტაქტების გააქტიურება უმაღლეს საგანმანათლებლო დაწესებულებებთან და ინდუსტრიულ ორგანიზაციებთან;
- უნივერსიტეტის საინფორმაციო გვერდებზე ექსტრაკურიკულუმის აქტივობების (ადგილობრივი, რეგიონული, ეროვნული და საერთაშორისო) გამჭვირვალედ წარდგენა, როგორც ესენი ასახულია პროგრამის თვითშეფასებაში.
- სტუდენტებს შესთავაზეთ სპეციფიური ინტერდისციპლინური არჩევითი საგნები, კონსტრუირების კომპლექსურ და კრეატიულ მეთოდებზე.
- BATU -ს ვებგვერდის საშუალებით აპლიკანტებისთვის ინფორმაციის მუდმივი მიწოდება, რომელიც მოიცავს შემოქმედებითი ტურის თარიღებს, მოთხოვნებს, კრიტერიუმებს და საკონტაქტო ინფორმაციას ინდივიდუალური შეკითხვებისთვის.
- განიხილეთ კრიტერიუმების კორექტირება და, საბოლოოდ, შემოქმედებითი ტურის დავალებების გაფართოება, რათა უკეთ შეფასდეს პროგრამის ყველა სწავლის შედეგით მოცემული მიმართულებით წარმატებით მუშაობის შესაძლებლობა.
- შეასწორეთ სასწავლო გეგმაში არსებული მცირე ტექნიკური ხარვეზი, სადაც შემოქმედებით ტურში აბიტურიენტისთვის მიცემული დავალების ნაწილში: ნაცვლად „ხატვა - ნატურმორტი, რომელიც შედგება 2/3 ელემენტით და დრაპირებით - ფანქარში“, უნდა იყოს: „ხატვა - ნატურმორტი, რომელიც შედგება 2-3 ელემენტით და დრაპირებით - ფანქარში“.
- ECTS-ის დატვირთვის მინიჭება იმ აქტივობებზე, რომლებიც სასარგებლოა პროგრამის სწავლის შედეგების მისაღწევად და რომლებიც ამჟამად განიხილება, როგორც მხოლოდ დამატებითი აქტივობები და მოთხოვნები (მაგ. ინდივიდუალურ პროექტებზე მუშაობა, კამპუსის ღონისძიებებში წვლილის შეტანა, კონფერენციებზე დასწრება და ა.შ) თავისუფალ არჩევით საგნების ნაწილად აღიარება მაინც.
- რაც შეეხება პროფესიულ სფეროში პრაქტიკას, სილაბუსებში უფრო კონკრეტულად აღწერეთ, რა სახის პრაქტიკული სამუშაოს შესრულება მოეთხოვება სტუდენტს;
- პრაქტიკის პერიოდის განმავლობაში სხვა აქტივობებთან შედარებით პრაქტიკული სამუშაოს შესრულებასთან დაკავშირებული შეფასების კონკრეტული წილის გაზრდა;
- გააფართოვეთ თანამშრომლობითი აქტივობები ერთობლივი ღონისძიებების, გამოფენებისა და კონკურსების ორგანიზებით, ქვეყნის მასშტაბით სხვა უნივერსიტეტების მომიჯნავე პროგრამების სტუდენტების მონაწილეობით, რომ გაიზარდოს თანამშრომლობა და გამოცდილების გაზიარება.

- გავითვალისწინოთ ზემოაღნიშნული რეკომენდაციები და რჩევები ინდივიდუალურ პრაქტიკასთან და ავტონომიურ სწავლასთან დაკავშირებით, ასევე სწავლებისა და სწავლის მეთოდების შესაბამისად დანერგვის თვალსაზრისით.
- კურსების „მეწარმეობის საფუძვლების“ და „შემოქმედების ფსიქოლოგიის შესავალის“ შუალედური გამოცდის თარიღის შეცვლა, ისე რომ დასკვნით გამოცდამდე გონივრული ვადა იყოს დარჩენილი;
- შეცვალეთ რეგულაცია პრაქტიკულ-შემოქმედებითი პროექტის შეფასებასთან დაკავშირებით, რათა უზრუნველყოთ რომ შეფასება შედგეს არა ყველა, არამედ კათედრის პროფესორ-მასწავლებელთა დიდი უმრავლესობის დასწრების შემთხვევაში.
- პლაგიატის შემთხვევაში გამჭვირვალე გახადეთ, თუ როგორ ადგენენ დარღვევის დონეს პასუხისმგებელი მასწავლებლები და როგორ განიხილება პლაგიატის საწინააღმდეგო პროგრამული უზრუნველყოფის შედეგები.
- პლაგიატის საწინააღმდეგო მექანიზმი დაინერგოს უფრო ადრეულ კურსებზეც, სადაც კურსის ხასიათი იძლევა ამის საშუალებას.
- პროფესიული განვითარების ადეკვატური შესაძლებლობების დანერგვა სწავლების მეთოდებისა და პედაგოგიური კომპეტენციის კუთხით, განსაკუთრებით სტუდენტზე ორიენტირებულ სწავლებასთან დაკავშირებით - სამეცნიერო და მხატვრული/დიზაინის პრაქტიკის თვალსაზრისით არსებული საქმიანობის შესაბამისი ხარისხით.
- შექმენით შეფასების შედეგების განხილვის კონკრეტული შესაძლებლობები, პერსონალისთვის განვითარების შესაძლებლობებზე ყურადღების გამახვილებით, იქნება ეს ინდივიდუალურ თუ ჯგუფურ დონეზე.
- შექმენით პროგრამის ხელმძღვანელისთვის პროფესიული განვითარების ადეკვატური შესაძლებლობები, განსაკუთრებით საერთაშორისო ქსელის კუთხით დიზაინის/მოდის დიზაინის კონტექსტში (მაგ. CUMULUS კონფერენციებში მონაწილეობა, პროექტის აქტივობები ევროპულ დონეზე, ან ELIA ლიდერთა სამიტებში)
- შეისწავლეთ რელევანტური საერთაშორისო უმაღლესი საგანმანათლებლო დაწესებულებები მოდის დიზაინში, მათი სახელოსნოების მოწყობისა და სტუდენტების მიერ ინდივიდუალურად წარმოების შესაძლებლობების კუთხით.
- შეიმუშავეთ განვითარების კონკრეტული სტრატეგია სახელოსნოებისა და დამატებითი ტექნოლოგიების გაფართოებასთან დაკავშირებით, საკუთარი რესურსებისა და გარე პროვაიდერებთან გააქტიურებული თანამშრომლობის კომბინაციით; დარწმუნდით, რომ ყველა შესაძლებლობა და რეგულაცია გამჭვირვალეა სტუდენტებისთვის.
- შეიმუშავეთ პროგრამისთვის ინდივიდუალური ბიუჯეტები. ეს ხელს შეუწყობს უფრო ეფექტურ და ეფექტიან ფინანსურ დაგეგმვას და პროგრამების მენეჯმენტს.
- ასახეთ დამატებითი ფინანსური მოთხოვნები მოდის დიზაინის პროგრამის სტრატეგიული მიზნების კუთხით.
- პროგრამის ბიუჯეტის ზრდის უზრუნველსაყოფად დაფინანსების მოზიდვის სტრატეგიის შემუშავება.
- შექმენით ფორმალური რეგულაცია, რომელიც გააუქმებს უნივერსიტეტის ხარისხის უზრუნველყოფის დეპარტამენტის ხელმძღვანელის ფორმალურ პასუხისმგებლობას ფაკულტეტის ხარისხის უზრუნველყოფის სამსახურის ყველა საკითხზე, რომელიც ეხება მის ფუნქციას, როგორც მოდის დიზაინის პროგრამის ხელმძღვანელს.
- რეკომენდებულია, რომ გარე შემფასებლები იღებენ ყოვლისმომცველ მონაცემებს თავიანთი მუშაობისთვის, და დარწმუნდით, რომ გარე შეფასების ყველა შედეგი სათანადოდ არის განხილული და გათვალისწინებული შემდგომი განვითარებისთვის;
- კვლავ შეეცადეთ განახორციელოთ კოლეგებს შორის გაკვეთილებზე ურთიერთდაკვირვების პროცესი, როგორც ბხსუ-ს კოლეგებს შორის ღია გაცვლითი კულტურის ნაწილი, რაც ასევე ხელს შეუწყობს პროფესიული სწავლების უნარების შემდგომ გაფართოებას.

5. საბჭოს აღნიშნული გადაწყვეტილება ძალაში შევიდეს 2023 წლის 15 დეკემბერს.

6. რეკომენდაციების შესრულების შესახებ ანგარიშის წარმოდგენის ვადად განისაზღვროს 2024 წლის 15 დეკემბერი.

7. საბჭოს მიერ მიღებული გადაწყვეტილება, საქართველოს ზოგადი ადმინისტრაციული კოდექსის 180-ე მუხლის პირველი ნაწილისა და „განათლების ხარისხის განვითარების შესახებ“ საქართველოს კანონის 241 მუხლის პირველი პუნქტის შესაბამისად, საგანმანათლებლო დაწესებულების მიერ შეიძლება გასაჩივრდეს სააპელაციო საჩივრის სააპელაციო საბჭოში წარდგენის გზით შემდეგ მისამართზე: ქ. თბილისი, მ. ალექსიძის მე-2 შესახვევი №2, ან თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით შემდეგ მისამართზე: ქ. თბილისი, დავით აღმაშენებლის ხეივანი N64, აღნიშნული გადაწყვეტილებისა და მისი დასაბუთებითი ნაწილების (დანართი №1, დანართი №2, დანართი №3) ცენტრის ვებ-გვერდზე (www.eqe.ge) გამოქვეყნების დღიდან, ერთი თვის ვადაში.

უმაღლესი საგანმანათლებლო პროგრამების
აკრედიტაციის საბჭო
საბჭოს მდივანი
რატია რატი



რ. რატიანი

საგანმანათლებლო პროგრამების აკრედიტაციის
საბჭო
საბჭოს თავმჯდომარე
ბუჩაშვილი გოდერძი



№	ინფორმაცია საგანმანათლებლო პროგრამის შესახებ	
1	საგანმანათლებლო პროგრამის დასახელება	მოდის დიზაინი
2	ერთობლივი უმაღლესი საგანმანათლებლო პროგრამა	-
3	სტატუსი	აკრედიტებული
4	სტატუსის გათვალისწინებით, საბჭო(ებ)ს გადაწყვეტილების თარიღი და ნომერი	№ 188, 05.12.2018
5	ხელახალი აკრედიტაციის შემთხვევაში საგანმანათლებლო პროგრამის წინა დასახელება	დიზაინი (ტექსტილი დიზაინი; სამოსის დიზაინი)
6	უმაღლესი განათლების საფეხური	ბაკალავრიატი
7	დაშვების წინაპირობები	შემოქმედებითი ტური
8	კვალიფიკაციის დონე	მე-6
9	კვალიფიკაციის დასახელება	მოდის დიზაინის ბაკალავრი
10	ზოგადი განათლების შესაბამისი საფეხურის საგნის/საგნების/საგნობრივი ჯგუფის სწავლების უფლების მითითებით	-
11	დეტალური სფეროს დასახელება და კოდი (ISCED – F – 2013)	0212 - მოდის, ინტერიერის, ინდუსტრიული დიზაინი
12	სწავლების ენა	ქართული
13	ECTS კრედიტების ჯამური რაოდენობა	240
14	განხორციელების ადგილი	ზ. გორგილაძე/ვაჟა-ფშაველა 19/32, ბათუმი, 6010, საქართველო
15	მსჯავრდებულ აბიტურიენტთა საგანმანათლებლო პროგრამაზე სწავლა-სწავლების უფლებამოსილება	-
16	ამ გადაწყვეტილების ძალაში შესვლის თარიღი	2023 წლის 15 დეკემბერი
17	აკრედიტაციის საბჭოს მიერ გაცემული რეკომენდაციების შესრულების თაობაზე ანგარიშის წარმოსადგენად/მონიტორინგის განსახორციელებლად განსაზღვრული ვადა	ანგარიში 2024 წლის 15 დეკემბერი
18	აკრედიტაციის ვადის გასვლის თარიღი	2030 წლის 15 დეკემბერი